



# Molalatladi wa ga Lorato



**Molteno**





Pula e ne ya na ka medupi, mme ya tshodisa  
Lorato mo ntlong.

O ne a sa kgone go tshamekela kwa ntle.

“A pula e tlaa sa?” Lorato a ipotsa.





Ka letsatsi le le latelang, ya na gape. Go ne go le metsi gotlhe mo tshingwaneng.

Pula ya sa, mme letsatsi la thaba.


Lorato o ne a bona molalatladi o montle mo loaping!





Lorato o ne a rwala dibutshe, a ya go tshameka kwa ntle. O ne a phatšha metsi mme a gasagana.

Ga bonala molalatladi o montle mo marothoding.





Bosigong joo, mme a tshelela Lorato  
dipudula mo metsing a go tlhapa.

Lorato o ne a gelela dipudula ka diatla, mme  
a di lebaganya le lebone.

Dipudula di na le molalatladi o montle!








Ka letsatsi le latelang, go ne go le letsatsi ebile go le mogote. .

Mme le Lorato ba ya lewatleng.

O ne a sela dikgapetla tse di anameng mo motlhabeng. Kgapetla e le nngwe e ne e na le molalatladi ka fa gare!


E ne e le ntle.





Lorato a inama go sela kgapetla, mme ya gogolwa ke lehubu.


“Ke batla molalatladi wa me,” Lorato a akanya.





Fa a goroga kwa gae, a ntsha dipente tsa gagwe le pampiri e tonna.

O ne a taka molalatladi ka mebala yotlhe e le supa ka go latelana, a feleletsa ka o mo intiko le o mo selaole.





Lorato a baya setshwantsho sa gaagwe mo leboteng.

Jaanong Lorato o na le molalatladi wa gagwe.

O montle!

